

十朝东华录

乾隆朝

第六
卷
七
册

乾隆五十年乙巳春正月辛亥 上以五十年國慶頒詔天下惠恩有差○丙辰 上御乾清宮賜千宴宴親王郡王大臣官員蒙

古貝勒貝子公台吉額駙回部番部朝鮮國使臣監上商兵民等年六十以上者三千人皆入宴屆時 上升座中和韶樂作與宴

之王大臣以下按班序立行三跪九叩禮興樂止各入坐次行一叩禮坐丹陛大樂作 上進茶王公大臣以下行一叩禮賜王公

大臣等茶咸跪受行一叩禮丹陛清樂作 上進酒獻爵大臣行一叩禮王公大臣等皆行一叩禮賜獻爵大臣酒獻爵大臣跪受

行一叩禮賜王公大臣等酒咸跪受行一叩禮一旦大臣以上及年屆九十以上者召至 御座前賜卮酒各跪受行一叩禮樂止

賜食各就坐次跪受行一叩禮承應上演劇王公大臣以下咸受饌畢行一跪三叩禮中和韶樂作禮成 上落座命以千宴宴聯

句頌賞如意壽杖繒綺和皮古玩銀牌等物有差王公大臣以下咸跪領退至乾清門外行三跪九叩禮 御製千宴宴恭依 皇

祖元韻詩曰抽秘無須更聘妍惟將實事紀書筵追思侍 陛趨垂日訝至當軒手賜年君醢臣醢九重會 天恩國慶萬壽延

祖孫兩舉千宴宴史冊他莫並肩○丁巳諭左知御史周煌奉職有年小心勤慎前因年力就衰病體未能產愈奏請開缺回籍

周煌著加恩以兵部尚書致仕並加太子少傅銜用昭優眷左都御史員缺著紀昀補授李紱著補授兵部侍郎 卽所遺湖北巡撫員

缺著吳垣調補其廣西巡撫員缺著孫永清補授○戊午賜福建侯官縣七世同居職員許王臣 御製詩章 御書扁額○以汪

新爲貴州布政使陳淮爲甘肅按察使○己未定烏嚨木齊各廳州縣以發納租額數○庚申諭朝鮮國於藩封中臣服最

久每遇萬壽元旦冬至年節俱備方物呈進朕鑒其忱悃俱令該衙門收存仍優加賞賚此外遇有奏賀奏謝及陳奏等事亦均有

隨表貢物向例皆稱不收受准爲下次正貢並經降旨令於尋常陳奏事件不必再具貢物而該國王仍前備進以致備抵之物展

轉存積在該國王恪守成規固屬恭順之道但存積日久轉相抵算且仍有餘出者非朕厚在薄來體恤屬國之意也所有朝鮮國

歷年留存各物竟著該衙門悉行收受仍按照原物記優加賞嗣後該國於每歲正貢及如千宴宴等類特舉輿典自應照舊備物

呈進朕亦必收受厚加賞賚此外凡遇尋常奏賀奏謝陳奏等事止須備具表文其隨表貢物該國王務卽體朕意恪遵諭旨樂行

停止毋事多儀以副朕柔惠遠邦以實不以文之至意該部卽行文該國王知之○丙寅諭朕卽承 天眷上年喜得五世元孫嘉

慶駢臻恩施宜遲因令各督撫查明所屬紳士庶民有身及五代同堂者加恩賞賚茲據造冊咨送軍機處彙奏共一百九十二戶

內郭有英張羽劉湘鍾君龍四人俱壽逾百齡曾元繞膝海爲昇平人瑞朕親製詩一章分賞四家並各御書扁額以賜用示寵榮

所有應賞銀兩段匹及建坊之處仍著該部照例具題其未屆百齡五代同堂之張文聚等一百八十八人並著各督撫分別年歲

給予扁額賞給段匹銀兩以昭錫福推恩同登壽域之至意○戊寅和碩裕親王廣祿以老乞免允之恩給半俸○戊寅 上臨和

敬公主第視疾

二月辛巳朔禮部題朝鮮國王李祹遣使進表謝恩並貢方物得旨覽王奏謝並隨表貢獻方物具見惻愴所有貢物該衙門知道仍著加恩賞賚再前遣使西明阿爾回京復命具奏該國王即席賦詩頗知好學並將所賦詩章呈覽朕閱之深為嘉獎著加賞內府做宋版五經全部並筆墨等物以示優待○壬午吏部等部議准湖廣總督特成額奏施南一府先於改土歸流案內設有同知一員專駐忠尚乾隆二十五年裁改查該府所轄六縣惟宜都一縣四至俱在楚境之中此外咸豐來鳳兩縣南與四川之西陽黔江湖南之龍山等處交界其恩施利川建始三縣西與四川之石碛奉節巫山等處交界犬牙相錯環繞皆山民人生齒日繁俗稱刁悍若非設有專員稽查易滋事端見在施南全屬應通判一員駐紮施南其北面來鳳咸豐宣恩三縣疆界毗連巡防較易其西恩施施利川建始三縣俱去數百里外難長莫及請復設同知一員專司捕務以重地方但湖北省承倖督閩緊要難以裁撤惟湖南省辰州府所屬四縣應有捕務向來俱係通判辦理其附屬同知於慈差之外別無專司請裁汰改為施南府捕盜同知從之○以阿肅為內閣學士由翰林院學士遷○甲申論此次致祭 先農壇舉行耕藉朕自揣精力康強尚能躬舉三推所有應行事宜著各該衙門照例敬謹豫備候朕親詣行禮○丁亥 上詣 文廟釋奠禮成 臨新建辟雍講學 御製國學新建辟雍園水工成碑記曰名書實之寶實者名之主為學之方應務其實以新舊其名不可炫其名以致亡其實興學之源莫要於國學國學者天子之學也天子之學曰辟雍諸侯之學曰泮水北京之國學自元歷明出至本朝蓋五百餘年矣有國學而無辟雍名實或不相稱焉雖有泮水而格部議至今未復癸卯春始有復建之諭甲辰冬乃觀新工之竣將於乙巳仲春行釋奠禮遂臨雍以落成焉夫北京為天下都會教化所先也大典缺如非所以崇儒重道古與稽而今與格也雖乏水然有不改之井汲以養而用之無窮亦在人為之而已於是石之礪水見圓斯池水之鏡微見明斯漪殿之居中見隱其橫橋之通行見接其基上庠下序雖難考二典之制而東序西序總不出三代之規則是工之舉也又予知過論所為於不可已者仍酌行之之意而物給費工給值雇勞民動眾之為若夫三老五更之說予以為括於養老化俗之儀而天子臨事所必應並行而不遺者蓋弗見於詩書乃特出杜氏通典之私耳且予向有三老五更之說已明聞其謬茲不復擬乎辭雖然予更有所懼於是舉者夫是舉豈非復古與學之說行何懼而予懼之者恐後之人執予復古之說於一切衣冠典禮皆欲效漢人之制予為得罪 祖宗之人匪教伊虐甚慮不宜也予之子孫臣庶體予此心於可復古者復之其不可復者斷不可泥古而復之夫慕復古之虛名而致有忘 祖宗之實失非下愚而何予不為也予後以是告子孫以保我皇清萬年之基也 御製三老記曰說為三老五更之說以聞諸家之謬然以三老之稱數典於左氏其何以稱三老則求其解而終不得其辭茲以三餘之暇書辟雍碑側有三老之語臨池下恍然悟曰三老之言實出孟子所謂老而無妻老而無夫老而無子此非三老而何孟子雖出左氏後而語自由古以傳故即繼之曰文王發政施仁必先斯四者可知文王時即有三老之稱左氏提其綱孟子晰其目耳且孟子對叔獻齊之將為陳氏所云公棄其民三老來餒乃指一國

縣寡獨窮之民之無恤者設以上壽中壽下壽論之豈八十以下之老即可以弗恤乎其餘傳會之論愈說愈遠然總於辟雍養老
興賢有何涉乎自是而三老之稱徧於鄉閭所謂三老董公壺關三老之類不一而足蓋耆艾而長於鄉者即可稱三老而非定三
人也夫予三老五更之說成於戊戌逮今又六年求其說而不得而筆下偶得之是不可以不記且此六年中何嘗不讀孟子而未
有會茲偶會之益見理不可不日窮書不可不日讀甯詎呈己之是顯人之非以爲博聞廣識而已哉 御製題張廷玉三老五更
議曰戊戌年三老五更說亦既聞其踴躍而勒之新建辟雍之碑矣今秋駐遼陽山莊檢續書之四庫全書內文續集中有三老
五更議之篇而挂漏其名因命檢文津閣之書乃知爲張廷玉所撰憬然憶之事在乾隆戊午爲廿七月既閱諸禮畢舉之時於視
學之前曾向軍機大臣等談及三老五更而咨其可行與否彼時鄂爾泰依違其間張廷玉則斷以爲不可於是奏此議而遂寢其
說蓋鄂爾泰固好虛譽而近於驕者張廷玉則善自謹而近於儒者且二人彼時皆可登此席者也以今觀之則廷玉之議爲當
設爾時勉強行之必有如廷玉所謂議後人之議者矣若朕戊戌年之所爲三老五更說戊戌去戊午歷四十年其事早已忘之蓋
戊午朕方廿八歲而戊戌則六十有八此亦足驗四十年間學問識見之效而年少時猶未免有好名泥古之意至今則雖然矣茲
觀廷玉之議與朕之說不約而同樹之前旌焉因命並勒辟雍碑以識己學之淺深及弗掩人之善也夫廷玉既有此卓識何未見
及朕之必不動於浮言遵 皇考遺旨令彼配享 太廟而臨休致歸里時乃有求入 廟之請此所謂老衰而戒之在得乎朕又
以廷玉之戒爲戒且爲廷玉惜之○廣順天明年鄉試中額○戊子兗河南汲縣等十四縣積欠○己丑 御試翰林詹事等官擢
陞伯煜等二人爲一等試由六部等衙門升用翰詹等官擢慶齡爲一等餘各升階留館有差○庚寅論滿洲由科目出身爲翰林
者本應認真讀書通達事理爲國家有用之才方名稱其實向來滿洲之習舉業者其文義本屬淺陋及薛登科目列名翰苑問以
文學則曰自係滿洲豈漢人可比及至問以清語駢射又曰我係詞林豈同武夫戰卒兩處躲閃進退失據而落於無用之流朕所
深惡即從前如尹繼善鄂容安鍾音觀保等在翰林中俱稱出色豈止能隨常辦事而於邊疆重務並不能經理裕如雖其中鄂容
安曾膺軍旅重寄臨危遇變亦惟知一死塞責究於國家大事何所裨補耶此次考試翰詹朕嚴加甄別滿員出缺甚多除簡擢數
人外餘竟無員可補與其濫予充數毋庸覈實酌裁所有見出之侍讀侍講學士二缺侍讀侍講二缺已另降旨裁汰嗣後滿洲人
員益當自知愧勉讀書敦行砥礪成材以備國家器使如果能蒸蒸日上變從前積習入才蔚興彼時朕自當再補遺舊額也○
辛卯調畢沅爲河南巡撫何裕城爲陝西巡撫○撥戶部銀五十萬兩解往河南備賑○辛丑祭 歷代帝王廟 御製記曰予小
子旣被選 皇祖聖訓增祀 歷代帝王以今年二月春祭之吉奉 神主入廟禮以克成祭不欲數於是退而恭記曰 皇祖之
聖久待我 皇考所尊稱大成有類先師孔子而無以復加也即此增入之 旨實出大公至明乃稱歷代之名義而非有意於其
間也夫歷代者自開闢以來君王者之通稱非如配享先師孔子有所旌別彰輝於其間也夫有所旌別彰輝於其間則必有所進

退而是非好惡紛然起矣入者主之出者奴之將無所底止且以旌別彰瘡言之湯武卽有慚德則歷代開創之君湯武且不若齊如是三皇五帝之外其宜入廟者有幾是非祭 歷代帝王之義也故我 皇祖謂非無道亡國被弑之君皆宜入廟者義在此但引而未發予小子敢不敬申其義乎蓋自洪武建廟南京以來北京祖之所祀者寥寥及我 世祖定鼎燕京幼齡卽位百度畢舉爾時議禮之臣於議 歷代帝王廟位次亦頗有所出入而我 皇祖之諭亦因近 大事之際在康熙六十一年十一月諸臣未能仰導 聖意其出入亦頗不倫予小子於昨歲閱大清通禮始悉其事因命大學士九卿更議增祀而以仲春躬祀入所增神主於廟予嘗論之洪武之去遼金而祀元世祖猶有一統帝繫之公至嘉靖之去元世祖則是旌於中外之見而置 統帝繫於不問矣若順治初之入遼金而去前五代則爾時議禮諸臣亦未免有左袒之意孰若我 皇祖之大公至明昭示千古爲一定不易之善舉哉夫天下者天下人之天下也非南北中外所得私齊東夷文王西夷豈可以東西別之乎正統必有所繫故予於通鑑輯覽之書大書特書一遵春秋不敢有所軒輊於其間以爲一時之議雖權萬古之論不可欺也然則 歷代帝王之祀果卽非如祀享先師孔子真無旌別彰瘡於其間乎曰不然也 歷代帝王胥祀於景德之殿其有德無德若南若北日中日外是一家非一家章章如昭昭如孰可以爲法孰可以爲戒萬世之後入 廟而祀者孰不惕然而思惕然而懼耶是卽不明示旌別彰瘡而已寓旌別彰瘡於無窮矣其有不惕然思惕然懼者則是無道之倫必不能入此 廟矣嗚呼可不懼哉可不懼哉雖然予更有後言焉蓋宜入 廟與不宜入誠昭然應知懼而我大清國子子孫孫祈 天永命所以縣萬禩無疆之祚者更當以不入斯 廟爲棘安不忘危治不忘亂用慎苞桑之固思及此有不忍言而又有不忍不言者世世子孫其尚懷難繼之戒乎 壬寅諭明太祖爲一代開初之主是以朕南巡時躬詣孝陵致祭用彰隆禮勝朝之意至昌平爲永樂以後諸帝陵寢非若江寧孝陵可比此 親詣長陵奠醑其餘諸陵均遣隨從之王大臣前往致奠 甲辰免江南江甯等六府州四十七年以前積欠 戊申山東八關商工成 己酉諭四庫全書館進呈補刊通志堂經解一書朕閱成德所作序文係康熙十二年計其時成德年方幼穉何以卽能淹通經術向卽間徐乾學有代成德刊刻通志堂經解之事茲令軍機大臣詳查成德出身本末乃知成德於康熙十一年壬子科中式舉人十二年癸丑科中式進士年甫十六歲徐乾學係壬子科順天鄉試副考官成德由其取中夫明珠在康熙年間柄用有年勢薰灼招致一時名流如徐乾學等互相交結植黨營私是以伊子成德年未弱冠竟錄得取科名自由關節乃刊刻通志堂經解以見其學問淵博古稱皓首窮經雖在通儒非義理精熟畢生講貫者尙不能單心闡揚發明先儒之精蘊而成德以幼年蒞植卽能廣搜博採集經學之大成有是理乎更可證爲徐乾學所哀輒令成德出名刊刻俾藉此市名邀譽爲逢迎權要之具耳夫徐乾學成德二人品行本無足取而是書實萃諸家典臚賅博實足以表章六經朕不以人廢言故命館臣將板片之漫漶斷闕者補刊齊全訂正訛謬以臻完善嘉惠儒林但徐乾學之阿附權門成德之濫竊文譽則不可不挾其隱微剖悉原委俾定論昭然以示天下後世著

將此旨錄載舊首

三月辛亥 上親耕藉田○壬子 上啓鑾幸盤山○免經過地方本年額賦十分之三○甲寅 上詣明長陵奠酒○諭直隸昌平州爲前明陵寢之地本朝定鼎後我 世祖章皇帝卽命以帝禮改葬思陵並敕工部修葺諸陵 親臨奠醑並禁止樵採添設陵戶我 皇祖聖祖仁皇帝亦曾 親臨致奠並飭地方官加意防護所以加禮前代者最爲優渥朕此次行幸湯山取道昌平躬詣長陵致奠見諸陵寢明樓亭殿多有損壞神牌龍案亦遺失無存爲之慨然弗忍親詣由明代中葉以後國事廢弛全不以祖宗爲念於陵寢並未修葺直至末年復經流寇擾亂亦無人守衛以致日就頽圯若其後代之君果能歲歲加繕治整齊完固逮今不過百有餘年亦何至頽剝若此又諸陵前雖建有碑座均未鐫刻未審彼時是何意見今親臨奠醑周覽之下深爲軫惻自應重加葺治增設龍位俾臻完備再我朝開初之初嘗親王以我師克取遼東時明之君臣或於形家謬說是金代陵寢與本朝王氣相關將房山縣金陵拆毀是以爾時亦將定陵享殿撤去傳其祭祀然明樓寶城仍存其舊未壞也惟時我 世祖尚未親政其事實由睿親王建議亦非 世祖意也今國家一統已歷百數十年勝朝陵寢自應一體修復所有定陵享殿舊仍行修建春秋祀事如故又明世宗永陵前因尹嘉銓條奏將其祭祀裁撤但前明之亡不亡於崇禎而亡於萬曆天啓是以於歷代帝王廟中撤其位祀而陵寢仍前致祭明世宗雖滿意齋醮尙不至如萬曆天啓之昏庸失德其陵寢自應照前一體致祭以昭大公我國家受 天眷命 世德顯承於前代陵寢繕完保護禮從其厚此次修復諸明陵殿宇等工卽費至百萬帑金亦所不靳所有此項工程著派向書劉塘德保金簡侍郎曹文植德成董率經理務期完固工成後飭該地方官隨時稽察小心防護嚴禁樵蘇用副朕隆禮勝朝之至意御製讀召詰文曰詩三百一言以蔽之曰思無邪予讀召詰之篇求其一言以蔽之者莫若曰曷其奈何弗敬蓋召公因成王始政拳拳致告蔡傳所謂究其歸以誠民爲祈天之本而又以敬德爲誠民之本一篇之中三致意焉則所謂奈何弗敬者非挈一篇之領要乎夫奈何者一唱三歎之意言有盡而義無窮奈何者更有不忍人之心以不忍人之心行不忍人之政則敬之施於外者也敬勝意者吉義勝欲者從然必敬勝而後能義勝則又敬之存乎內者也內外交養誠實無妄祈天永命其弗基於此乎茲因謁明陵而思及受命保命之要必當以奈何弗敬爲棘且君者天之子也天者君之父也父之於子無不極其愛子之於父當無不極其敬然及其失父之愛一再失其敬者猶示以儆以訓誨之至於訓誨而弗改則父亦弗愛之而已矣嗚呼可不懼乎可不敬乎歷代遙矣不可屈指數明之事則近可徵也如永樂之篡位大行誅戮應其亡也而天弗亡之正統之北狩應其亡也而天亦弗亡之正德之荒淫失德應其亡也而天尙弗亡之此非慈父之遙其罪而仍有所顧惜乎必至萬曆意政天啓童蒙崇禎有猜忌之失無恢復之能而後亡之讀史而有受命保命之責者可不知懼知敬乎人莫不欲食鮮能知味也人莫不讀召詰鮮能知要也茲舉其一言以蔽之者於謁明陵之日後之擬者亦可以絜矩知吾意矣○丁巳 上駐蹕盤山○辛酉命截留山東河南漕糧三十萬石於

河南衛輝等府備賑○甲子 上回鑾○免江蘇安東等二縣四十四年以前積欠○丙寅 上還京師○戊辰以復甦為烏里雅蘇台將軍舒常為工部尚書孫士毅兼署兩廣總督○辛未釋朝審秋審年七十以上羈禁人犯○甲戌論軍機大臣等朕恭閱實錄康熙四十年五月泗州等處被水 上諭大學士等曰六場堵塞其水必然注彼治東則西即被災兩方之民俱同一體朕聞河工時見高家堰之水較隄旁平地高三尺淮安之水較地高九尺今高家堰之水高於地已至一丈六七尺豈不可危朕日夜念此甚切憂懼高家堰隄作何保守堅固或另有修治善策著張鵬翮陳泰欽此煌煌 聖訓仰見 宵旰勤思為澤國生民求保障安全之計曷咨深切朕思高家堰隄工自雍正年間改建輒工較前已為整繕朕屢次親巡閱視規畫講求命一律建築石工以期堅緻鞏固並酌定五壩水誌以時宣洩俾盛漲時湖水不至悶遏為患立法已極周詳而自陶莊挑放引河以來河勢趨北今昔情形不同見在高家堰之水較地尚高若干尺淮安之水又高於地若干是否因隄工堅固及宣洩機宜周備妥善湖水不至為患之處著傳諭薩載李奉翰詳悉查明據實具奏並繪圖附說呈覽○諭向來滿洲世僕等以侍衛拜唐阿為近御差使視為最榮於挑選侍衛拜唐阿時則甚欣願近來在京文武大臣及外任大臣官員子弟多有在館行走否則捐納冀圖文職且跟隨伊父兄任所安逸不願侍衛拜唐阿者甚多是以挑取侍衛拜唐阿時不能得人及至成丁尚不富差在任日久並不學清語騎射技藝至廢棄滿洲舊俗昔 皇祖時曾經整飭查辦今在京文武大臣外任文武大臣官員等皆受恩深重得項較多伊等子弟長成更當挑取侍衛拜唐阿效力行走方合滿洲世僕之道是以降旨命軍機大臣等詳細查辦各開名單呈覽其年已及歲經朕指出者即著帶領引見但年未及歲者若不酌定年限查辦則日久仍致舊習復萌將此飭諭入旗所有指出見隨任所年已及歲者即行各取帶領引見嗣後著由該旗五年一次照此查明咨送軍機大臣等彙辦具奏請旨至從前准令外任大臣官員等各帶一子隨任辦理家務係朕曲成之恩乃伊等藉此將所有子孫俱留任所是誠何心嗣後飭令入旗嚴查伊等子嗣內年已及歲者止准奏請一人隨任習辦家務其餘年已及歲之子弟及孫俱著催令回旗以備挑取差使備徇情而不行各催者將該都統等一併治罪將此通諭八旗各省永遠遵行○實授江蘭河南布政使○乙亥免直隸肅州等四十九州縣四十七年以前積欠○丁丑重修盧溝橋

夏四月辛巳諭原任左都御史周煌由翰林游擢正卿在上書房行走有年老成端謹奉職克勤今春選疾陳請解任曾晉秩太子少傅加兵部尚書銜准其回籍調理前兩次祇迎道左特親加存問諭令加意調攝以冀痊可茲聞遽逝深為軫惜著加恩晉贈太子太傅並派出散秩大臣帶領侍衛十員往奠茶酒所有任內降革處分俱予開復其應得卹典仍著該部察例具奏尋予祭葬諡文恭○諭軍機大臣等據陸燿奏靖州知州楊思道堪以委署沅州府知府一摺已於該員名上用硃筆標出並批示矣該員取名其意欲學馮道試思馮道身事五朝敗名喪節係一無恥之徒有何可思而必取以命名耶此必係該員不通父師代為取名而該員又復不知更改著傳諭陸燿即令該員將此名另易照例咨部註冊○甲申甘肅肅州及玉門縣屬惠回堡白楊河等處地震○

丁亥免河南祥符等十六州縣積欠○壬辰 上聞健銳營兵○論據劉秉恬奏查明滇省歷來文武官員去思德政等碑一百餘

座非地方官民所建即營兵衛役所立見在逐一撲毀其拆下碑石亭頂亭座輻瓦等項收貯省城以備官工需料等語所擬甚當

已於摺內批示矣地方官吏於一切吏治民生俱係分內專責果能實心整飭亦其職所當為何必立碑紀頌邀譽將來其或任內

並不留心民事臨去時強令民人敬贊勒石更為無恥之尤於風俗人心大有關係且官員賢否自有朝廷黜陟乃以所屬兵民等

平日曾受私恩輒倡言撰文勒石尤使賢否易淆不可不防其漸又據奏稱滇省歷任督撫如鄂爾琿泰李湖俱係實心實力懋著清

勤爲督撫中不可多得之員而合省並無二人碑碣可見私好私惡全不足憑督撫在任之政績並不以去後有無之碑頌爲優劣

也劉秉恬接奉前旨即能飭屬詳查撰毀毫無瞻顧辦理實屬可嘉劉秉恬著交部議敘至滇省地處邊疆一經查辦即撲毀一百

餘座可見此風相沿日久各省似此者必多而近省各督撫何未奏及此非瞻徇即係自爲著各實力詳查徹照劉秉恬所奏辦理

具摺奏聞毋得視為具文將此通諭知之○癸巳諭朕恭閱 實錄康熙年間高家堰之水高於淮安平地一丈六七尺 皇祖特

命張鵬翮另籌善策陳奏因思開放陶莊引河以來河勢趨北今昔情形自不相同合薩載等將見在高家堰之水較地尙高若干

尺淮安之水又高於地若干尺詳悉查明具奏茲據薩載等奏稱高家堰隄工自酌定五壩水誌以時宣洩四十二年又開陶莊引

河黃水無虞倒灌康熙年間湖水較隄旁平地高三尺今則僅高一尺而淮安之水彼時高於平地九尺今則地面轉高於水面二

尺九寸此卽清口暢消運河刷深之明驗而隄工堅固卽遇盛漲時亦不至發軔爲患等語是 皇祖從前之所慮全茲仰荷 天

佑河身與湖水已較前新就低深寬奏少慰然湖水究尙高一尺不可不慎固隄防今亦更無別法可令湖水再低於平地惟當加

意守護以資保障不可因湖水較低於昔卽存疏懈也朕軫念東南黎庶無時稍釋於懷該督等其修遵此旨倍加敬畏務期妥協

經理俾澤國民生永登樂利以副朕念切河防安愈求安之至意○甲午論嗣後外任旗員准留子弟一人隨任○丁酉諭海昇陵

死伊妻吳雅氏一案經步軍統領衙門奏交刑部審訊屬親貴當以伊姊吳雅氏並非自縊不肯盡供經刑部奏請特派大臣覆檢

隨派左都御史紀昀會同刑部侍郎景祿杜玉林帶同御史榮泰鄭澂及刑部熟諳司員王士爰慶與前往開棺檢驗據紀昀等奏

稱公同檢驗傷痕實係縊死而貴甯仍以檢驗不實復在步軍統領衙門以海昇係大學士阿桂親戚刑部顯有迴護等情具摺又

據派侍郎曹文植伊齡阿前往覆檢則吳雅氏屍身並無縊痕據實具奏隨令阿桂和坤會同刑部堂官及原驗覆驗之堂官竟因海昇

同檢驗與曹文植伊齡阿所奏相符因卽令研訊海昇據將毆踢致死裝點自縊實情供出是此案原驗覆驗之堂官竟因海昇

係阿桂親屬均不免意存瞻顧逢迎之見從前刑部堂官於福隆安家人富禮善一案有意瞻徇竟至正兇幾於漏網經朕看出疑

竊特派大臣復行嚴審方得水落石出彼時卽應將該堂官等槩予褫革治罪尙以伊等意存迴護究無左驗始從寬典僅予降三

品頂帶從寬留任以觀後效旋復加恩給其原品頂帶不意伊等不知愧悔悛改竟閱時未久復有此事在阿桂受朕深恩於此等

度率親誼亦不屑授意於堂司各官而堂司官御史即不免心存瞻顧及朕特派覆檢仍膽敢有意迴護此而不嚴加懲儆又將舛以用人何以行政耶此案阿桂業經自行議罪請罰公俸十年並革職留任阿桂於海昇雖無提意屬託之事但伊曾奏及舛船船皆自自縊並貴甯屢控不休如虛即應治罪之語是其意已先存袒庇之見答實難辭今雖無請託情弊刑部都察院堂司各官向意存迴護况可先爲此袒庇之言耶本應循照所請姑念此案究非若福隆安之徇庇家人者可比又因其尚有勞績著加恩改爲罰公俸五年仍帶革職留任至阿桂由朕拔擢任使造就成全原不可以保全功臣而論其派出之紀昀本係無用腐儒原不足具數况伊於刑名事件素非諳悉且目係短視於檢驗時未能詳悉閱看即以刑部堂官所言隨同附和其咎尙有可原著交部嚴加議處至刑部堂官於富禮善一案將爲三品頂帶革職留任後因辦理秋審尙屬認真是以甫經一年即予開復已屬格外加恩該堂官等理應感激思奮乃竟復蹈前轍本應榮予革職治罪但閣部中辦事之人一時未便樂易生手朕不爲已甚又未免失之水懦矣喀爾阿胡季堂穆精阿姜履俱著從寬降爲四品頂帶仍帶革職留任所有應得養廉飯銀公費一槩不准支給令其愧悔自新再觀後效至杜玉林係屢經獲罪棄取錄用之人景祿由司員不數年擢至侍郎均非不諳刑名者可比乃於特派事件不知秉公嚴審辦理瞻徇迴護至於如此其罪更大景祿杜玉林俱著革職發往伊犁效力贖罪不准給驛自力速往司員業成額李圖係此案原檢之員即瞻徇海昇係軍機處行走司員授意件作任其得贓捏報王士棻在刑部年久前因出差回京召見觀其人尙有才幹方欲量加擢用即慶興亦係刑部諸練司員又係檢驗熟手乃於覆驗時迴護固執裝點屍傷逢迎阿桂該員等均罪無可道業成額李圖王士棻慶興亦俱著革職發往伊犁效力贖罪不准給驛崇泰鄭啟身為風憲遇有冤抑案件尙應風聞給劾乃於此案隨同檢驗亦復附會草率一任刑部官役舞弊瞻徇本當與加議處曹文植伊齡阿經朕派出覆檢若亦如紀昀等之瞻顧徇司員等一體治罪姑念二人皆非熟諳刑名之員著從寬交部嚴懲惟知迎合阿桂蒙混了事轉相效尤將來此風一長大學士軍機大臣皆可從此率意妄爲即殺人帆法亦必無人敢過問者設果如此國事尙可同耶此案曹文植伊齡阿即能秉公據實具奏不肯扶同徇隱頗得公正大臣之體甚屬可嘉著交部議敘設伊等亦復隨眾支飾蒙混檢驗以致復經告發朕必將伊等一體從重治罪恐二人不能當其咎也朕辦理庶務一秉大公至正諸臣功罪各視其人之自取此案喀爾阿胡季堂等僅予降職留任係格外寬貸伊等嗣後益當激發天良痛自前悔儆以俾蒙寬宥不知畏懼仍蹈前非再經發覺朕必將伊等立置重典恐首領不保孽由自作朕亦不能再爲曲貸也將此通諭知之○以阮葵生爲刑部侍郎兼理刑部事務○以琅玕爲刑部侍郎兼理刑部事務○以蘇按察使總師傳朕視其年齒雖增精神不減正資倚畀茲以衰疾奏請解職回籍調理情辭懇切覽奏彌眷於懷第念伊年近八旬聞省距京路遠不忍重拂其意勉從所請著以原官致仕並晉加太子太傅親製詩章以寵其行仍於朕幸熱河時鑾送駕後再行束裝給

署同籍沿途經過地方官在二十里之內查照料違行陳得安適歸里怡志林泉獨病順養以示朕優卹書臣至京○諭前據理藩院奏華帖式富祥稟報班禪來使自京邸藏行至西直門盧溝橋一帶遺失包四箇並所雇騾馬及騾夫亦不知去向等語疑係驛夫等竊逃當飭步軍統領衙門嚴密查緝茲據將驛夫屈大王興仁拿獲到案審訊則係因驛頭驚過屈大王興仁前往找尋而所失包四箇皆係喇嘛私物是此案驛夫等向無情弊茲聞向來前後藏喇嘛年班來使進京途中偶有遺失物件地方官往往懼干處分厚爲賠償竟有賄至數百金者以致來使人等貪圖便宜屢報失物此則不成事體喇嘛來使如果途中被竊亦止應官爲嚴緝原贓給與何得私行賄補致啓詐冒之漸且此次所失又並非賞賜之件不過來使所帶私物即係賞賜之物亦已交來使收領者隨有遺失皆出彼自不小心况伴送之員乃照料喇嘛不准沿途滋事並非爲伊等跟隨騾馬而設也今該喇嘛等自不經意以致騾馬遺失此而緊爲賄補將來喇嘛人等必恃有地方之賄補途次更加疏懈從中捏報藉端訛索此風斷不可長嗣後沿途各督撫凡遇前後藏喇嘛進京經過惟嚴飭地方官照例防護爲之嚴禁盜賊俾得安速出境若來使途次有遺失物件止准呈明代爲嚴密緝獲給付不得仍前私相賄補致滋弊端若古之外國使臣無不欺陵內地漢人漢人畏之如虎但求無事以致釀成事端者不可指數本朝德威所被四夷賓服豈有是事耶即衝藏不遠萬里向化而來朕以其修行出家之人厚加賞賚亦不過厚往薄來之意原非若元季之誡底番僧致有冒罵割舌毆打截手之事見在地方官等不能仰體朕意惟知迴護處分因循賄償轉似畏怯使無知之徒將以本朝或遜元季尊崇喇嘛之習於風俗人心大有關係不可不防其漸儻嗣後該喇嘛等尙不知自愛仍有此貪詐妄爲之事朕不難將伊等治罪西洋天主教一案即其明驗况此等久隸臣僕者乎若各督撫因有此旨一切不顧縱令盜賊行竊來使之物貽笑來使則其罪必更不恕總之各督撫非過卽不及其能知政體而能得中者鮮矣觀不知愧朕實愧之其務體朕意以副朕德威綏輯之至意將此通諭知之○己亥調袁鑒爲山西按察使福甯爲江蘇按察使長麟爲湖南按察使卹卹○庚子諭吏部議處上年辦理秋審失入一案之升任湖北巡撫姚成烈失入一案之山東巡撫明興升任按察使馮晉祚失入二案之升任江西巡撫李綬失入三案之前任安徽按察使福甯失入一案之廣東巡撫孫士毅等各本已降旨將姚成烈等從寬留任其馮晉祚因不勝藩司之任已照部議降調交該部帶領引見矣秋審罪名出入爲民命所繫一經定案死者不可復生是以失入處分重於失出該撫司等自應詳細推究定讞以期無枉無縱乃姚成烈等於民命重案漫不經心致多失入卽予以革職降調亦所應得昔宋仁宗於吏部選人凡坐失入死者終身不遷是止不予升遷而本朝則因人命至重是以處分甚嚴定例降革但今各案失入處分應行降革之員內而尙書侍郎外而巡撫臬司不一而足皆係國家大員若繫予降革一時人才難得既不能遵有如計更換之人且內外辦事大員亦未便因此悉易生手是以從寬留任該撫司等受朕簡任深恩於案情生死出入辦理錯誤既得遺恩寬宥心自問亦當自愧姚成烈李綬明興孫士毅俱令其自行議罰具奏福甯並著自行議罰由該撫代爲轉奏俱解交浙省

海塘公用以稍贖其素餐○以釋其吉爲山東布政使巴尼璉爲四川按察使由廣東高廉道遷

丁未定各省武生在營滋事革例○

戊申諭前以以後藏喇嘛年班進京往來經過地方易滋事端已屢降諭旨明切曉諭茲命軍機大臣會同理藩院將應付各事宜酌定章程具奏應如所議辦理惟派員護送一節該衙門原奏在京派理藩院主事一員沿途派同知通判一員等語主事同知等官職分尙小猶不足以資彈壓著改派理藩院郎中或員外郎一員照料護送其經過地方著該撫揀派道員一員會同武職沿途防護庶呼應既靈約束更易不至藉端滋事歷觀史冊漢唐宋明之世於外國之使往往上下相蒙曲意優容以致悉離橫肆此漢人畏縮之性恐生邊釁而更致大患者不可勝數今我朝中外一家德威遠被四夷罔不賓服豈肯反效漢人畏縮之爲卽衛藏不遠萬里同化而爾朕撫馭番夷加恩賞賚如果來使喇嘛等不知自愛有滋事妄爲之處朕可將伊等治罪以示懲儆經過地方官又何所畏憚而不嚴加約束乎若封疆大吏不知大體有意因循外間無識之徒不幾疑本朝於喇嘛過事尊崇如季之庇護番僧致有冒騷割舌毆打截手之事乎更復成何事體爲此再行明切曉諭嗣後各該督撫於衛藏來使喇嘛過境時卽照理藩院奏定章程妥爲照料並飭護送道員等實力彈壓令其安速出境毋致滋生事端其於依限出境日期仍令派出之道員稟報該省督撫卽據實奏聞備有仍前玩愒滋事之處朕必將派出之道員治罪將此通諭知之

五月壬子伊星阿以疾解任以舒常署江西巡撫○免河南鄭州等三十二州縣積欠○癸丑移河東運河守備駐濟甯州城○

寅調永保爲江西巡撫以陳用敷爲貴州巡撫許祖京爲廣東布政使特昇領爲雲南按察使由湖南調○調巴尼璉爲貴州按察使

張誠基爲四川按察使○丁巳定八旗父子相繼陣亡世襲例○己未撥雨淮運庫銀一百萬兩解往河南備賑○丙寅 上啓鑒

秋綱木蘭○免經過地方本年額賦十分之三○戊辰命各省委署官員按月彙報○庚午命外任官員不准以原銜再請贈封○

壬申 上詣熱河 文廟行禮 上駐蹕避暑山莊○癸酉命江蘇截留漕糧十萬石於徐州等處備賑○甲戌諭據何裕城奏陝

西一省府廳固有逃兵處分停升者五十九員之多遇有應升缺出何者寥寥無幾又或人地不宜辦理殊覺周章可否按照原

定開復年限分別等差量爲加重令其報捐開復等語逃兵處分停升各員前據李世傑奏請准其捐復經吏部議駁已將該督交

部議處今何裕城復有此奏且陝西一省停升者已多至五十九員似此者尙有六省人數自不相上下若因升補之人皆須由部

推選一時槩易生手未免於地方不能收駕輕就熟之益因思人才難得該督撫既紛紛陳奏想其中實有難辦難理之處是此事

尙屬可行所有李世傑交部議處之處並著寬免但此項難等逃兵不力人員本應降革朕念人數過多加恩留任俾其升用今復

於格外矜全之後予以及時自效之途若僅令照例捐復實不足以示懲儆自應按照原定年限分別等差酌量加倍令其捐贖其

如何按照年限遞加之處著該部分別妥議具奏此事朕因人地相需起見不得已而曲從所請各該員務宜感激奮勵嗣後於地

方事件益思實力認真卽將來各省遇有別項停升處分人員該督撫亦不得援此爲例○乙亥命各省營伍操練鳥槍○丙子命

梁國治爲東閣大學士兼戶部尚書以劉塘協辦大學士曹文植爲戶部尚書湖汪承需爲戶部右侍郎李授爲工部侍郎以沈初爲兵部右侍郎○丁丑命安徽截留漕糧五萬石於鳳陽等處備賑○濟河南賈魯惠濟二河

六月庚辰以雲南麗江府等處世襲土通判巡檢等二十三員無管理地方之責命按品改授頂帶榮身○辛巳諭軍機大臣等向來刑部定律凡有私自淨身人犯俱問擬斬候因念此等人犯大抵因食所致是以加恩釋放發在熱河當差見有太監王成一名抵面加詢問伊係直隸安肅縣民原報今年十六歲實年纔十三歲前年因家中貧苦父母爲之爭身問擬斬罪在縣監禁一年上年始發至熱河當差初次報縣時該縣胥役因向伊父王二格需索不遂會將伊父一併收監四十餘日後因窮不能給將王二格釋放送押王成年十五歲定擬詳報等語此事經朕親向詢問且看其身軀幼小並應對明白實無虛飾知縣爲親民之官雖不至味良舞弊貪圖利若此此必有緣約人等因私自淨身有干例禁希圖說詐又緣索詐不遂爲之加增年歲以入其罪並將伊父無辜久羈問之殊覺惻然而該縣竟漫無覺察任憑胥吏等勒索捏報種種弊混亦難辭咎見因各處當差太監乏人向在聽諭召充且向例太監於投進當差時止賞給銀五兩其每月坐得分例亦不過二兩若未經投進之先吏胥已向需索則是得不償失誰復肯將其子弟充當太監者近日進宮太監短少之故必由於此況王成淨身時實年不過十一自必係父母窮苦無聊遂爾將伊開割與伊何涉乃擬以大辟而復縱胥役索詐捏飾之端乎此案著劉戡詳查參奏因思私自淨身人犯律擬斬候者雖爲慎重傷身起見然一經開割便成廢人苟非實在窮苦孰肯甘心出此今因有此例而轉致吏胥藉端勒索甚至加增年歲故入其罪況此輩俱奔走場除之役自古已然是官園在所必需而反治之罪從前定例本未允協所有私自淨身問擬斬候一條竟應刪除並著直隸總督順天府尹嚴飭各屬州縣嗣後如有並無他故自行淨身者准其投內務府派撥當差照例驗看如有他故內務府大臣再行文問之地方官不得竟拘其家屬致滋擾累倘有仍前需索滋擾者即將該州縣等據實參處其見因私自淨身問擬斬候已未招解並在監錮禁未經釋放者亦著刑部同直隸總督查明具奏釋放解送內務府分別派撥當差○乙酉諭理藩院尙書傳清額前在軍機章京上行走旋據卿貳宣力年久此次前往西藏駐紮辦事已閱數載因念其年力未衰特命來京供職以資倚任茲聞該處殊堪側憫除已由蘇賞銀三百兩料理喪事外所有應得卹典著該部查例具奏尋予卹葬諭恭勒○丙戌諭福甯著仍留湖南按察使之任所有江蘇按察使員缺著長麟補授○以留保任爲理藩院尙書寶音伯爾格圖爲理藩院侍郎○丁酉傳止直隸熱河等處理事同知通判及山西歸化城同知推升京缺仍留本任例○以梁敦書爲工部侍郎馬晉祚爲左副都御史○原任山東○乙巳命再截留江西漕糧十萬石於安徽備賑○丙午以巴忠爲理藩院侍郎○學士選

乾隆東華錄一百二

秋七月己酉訓富勒渾爲兩廣總督以雅德爲閩浙總督浦霖爲福建巡撫福甯爲甘肅布政使調郭世勳爲湖南按察使以馮光

熊爲安徽按察使平任甘肅○庚戌陸燿以病解任調浦霖爲湖南巡撫以徐嗣曾爲福建巡撫伍拉納爲福建布政使富保爲河南按察使由直隸調○辛亥以湖北糧價增昂命發倉穀平糶○已未論軍機大臣等據何裕城奏請將丁憂知縣王垂紀留辦西安城工河通運摺此事不可行奪情非所以教老古人惟於軍旅之事不妨權宜行之是以向來遇軍務緊急之時州縣官或有在任守

制者至城工非軍務可比況各省皆有工程又何必須一人始終經理而爲此破例之舉徒令該員懸職合榮致滋物議所奏不可行著傳諭何裕城即飭令該員回籍守制○庚申以瑞保爲內閣學士由翰林院侍讀學士遷○辛酉論軍機大臣等據畢沅奏籌辦向以使慶所出爲佳性與山蕪番薯同類番薯藏種在霜降以前下種在清明之後計開省乘時採擇郵寄此開向不爲晚但聞其種易爛

易乾須用木桶裝庶據土其中方易攜帶兼聞藤本須帶根者力厚易活等語前雅德來熱河召見曾諭以將番薯藤種採寄河南據奏路過山東沂州府亦見該處種有番薯而豫省懷慶所出薯類性與同類此物既可充食又能耐旱河南山東二省類歲不登小民兼食畢沅明興苗節轉飭各屬勸民人做照懷慶沂州廣爲栽植接濟民食亦屬備荒之一法至豫省即產薯預則番薯一

種閩省亦毋庸多寄但必須覓帶根藤木用木桶裝盛據土其中如法送豫方能栽種易活著傳諭雅德即行照式妥辦由驛速寄將此各傳諭知之○陳用敷丁憂以李慶泰爲貴州巡撫李封爲江蘇布政使由福建調○乙丑撥戶部銀一百萬兩解往河南備賑○丙寅論軍機大臣等據孫士毅奏清查通省民欠銀米一摺內稱自上年到任以後即屆奏銷雖據藩司申報全完而各屬批

解必待嚴催情事甚屬踴躍當與藩司悉心查究緣粵東每年銀米二項均有民欠州縣自願考成未肯甘心墊解直至奏銷已屆始行設法措墊趕上奏銷藉免處分及事後向民間追繳投點之徒揚言奏銷已報全完有何民欠竟爾分毫繳不繳年復一年欠戶

恃爲得計通省積弊如此見在出示曉諭並委令試用知縣丞倅等官赴民欠最多地方逐戶查對並令通省州縣揆造四十年以後民欠清冊詳報觀辦所有將來追出銀米如係見在州縣本任內所欠甫經墊解尚無別項流弊仍請給還本任等語各省縣司

錢糧例有一定奏銷之期州縣官徵收銀米固不許有絲毫侵掩乃以積欠在民之項竟甘心墊解寬免考成而庸懦州縣不能於事後復向民間追取粵省民情曠悍竟至於斯吏治民風大有關係從前李湖素稱風厲而於民欠一事何以竟未能辦及孫士毅

由廣西調任廣東朕謂其人尙屬細心曉事不料其竟能如此辦理實屬可嘉此事業經該撫究出底衷自當通行查辦實力追繳於別弊之中勿使稍有滋弊孫士毅酌量飲食少減精神恐不如前此時想已就愈惟當勉力爲之不可畏難亦不可過急致滋提

累至所奏追出銀米如係在州縣本任之內所欠仍請給還本任等語此則不可州縣惟徵錢糧是其分內專責乃平時不能振作

政民間積漸拖欠及至奏銷時竟逍遙處分私行墊補報解全完此等人員不治以捏報之罪已屬寬典若將追出銀米仍行給還私

票則將何以示儆所有此項錢糧將來自應歸公充用不得因欲杜該員等藉口虧賠爲此以公便私之舉再以前一省既查民欠

銀米情弊亦非一日恐各省似此弊亦復不少此事於地方關係非小著將孫士毅摺鈔等咨各省撫閱有並令妥密查辦據實奏

奏

聞但須不動聲色持之以漸不可使不肖官吏紛擾滋事也將此傳諭孫士毅並諭各省督撫知之○丁卯諭軍機大臣等據薩載等奏會議酌定精船尺寸事宜以利輓運一摺已批交大學士九卿議奏矣至摺內稱各丁隨帶土宜定例中運船隻每船許帶土宜一百二十六石免其納稅糧是近年什物價值每件增昂長途輓運用度不無拮据與其任不肖旗丁暗中舞弊不若明定成規俾可遵守請於例帶土宜一百二十六石之外加帶七十四石共成二百石該丁等得需餘利自必踊躍歡欣益加用力趨輓等語殊不成話旗丁應帶土宜一百二十六石乃係歷年定例仍不免例外多帶據該督奏請此後以二百石為率可見歷來私帶明在例限之外所謂蠶盤查驗者何事旗丁等既可於一百二十六石之外多帶私貨此時即加至二百石安能保其不於二百石之外又復多帶似此逐漸增加伊於何底且稱與其任不肖旗丁暗中舞弊不若明定成規俾可遵守夫此一百二十六石豈非向定成規該督等業既視為具文任憑旗丁舞弊多帶而謂加至二百石之後即能永遠遵守不加有是理乎前因酒船高大沈重喫水過深易致淺滯是以令將高寬尺寸徹照民船量為減損今欲減酒船之尺寸而轉准旗丁多帶土宜則船載愈重若遇河水淺阻又須節節起剋何必多此一番更張該督等身膺重寄於漕船多帶私貨行走濡遲之處既不能嚴行查禁竟如蠶盤而又為此驚警之語率行陳奏不知是何意見薩載久任封疆尚為歷練曉事向也來辦事糊塗若此竟竟哀病相乘遂爾精神昏憤耶薩載尙然如此則毓奇之初任漕務者更不足論矣薩載毓奇著傳論嚴行申飭並著大學士九卿遵照諭旨將旗丁多帶土宜之處嚴切指駁又薩載等另片奏稱河口淤淺處所撈挖漸深漕船陸續渡黃等語昨已有旨諭令該督等酌量情形截留起卸實不能到通明凍者莫若早行截留於江南以省其往返該督等惟當遵照受辦迅速奏聞以慰廩注將此諭令知之○辛未命截留漕糧十萬石於直隸備賑○乙亥伊犁將軍伊勒圖卒賞銀一千兩治喪晉封一等伯命其子哲臣承襲○丁丑多羅貝勒允祁襲遺疏聞論朕長輩內惟二十三貝勒獨存前聞患病當遣皇八子帶領御醫前往診視冀其速痊茲據弘昌等奏已於二十七日薨逝聞之深為憫惻仍派皇八子往奠茶酒應得卹典照郡王例辦給尋子祭葬諡曰誠

八月戊寅薨命於截留江西漕糧內酌撥十萬石分給淮安等五府屬平糶○己卯諭古樂以宮商角徵羽為五音合諸宮商角徵羽則為七音今之樂猶古之樂何以樂部所奏樂章僅以五六工尺上等為音而問之以宮商角徵羽則茫然不知為何事近偶聞張照所奏論樂劄子辨析頗詳其所謂五六工尺上即宮商角徵羽其台古意因復取律呂正義再加參數本屬相合因思今之五六工尺上與古之宮商角徵羽名雖異而實則同聲音之道原欲避俗趨雅今反援雅而歸俗甚非道也况 郊 廟樂章格 天啟 祖正朝御殿敷政臨民鐘簫元音自應用古制為節奏今樂部所定樂章俱取聯注工尺按譜名義殊乖莊雅但相沿已久若擇令樂工等改習宮商角徵羽則心手俱所未嫻其勢亦有所難朕意俗用上尺既與宮商角徵羽相同嗣後雖令樂工等取用工尺等字而於樂章每章每字下則兼注宮商角徵羽變宮變徵了操皆令兼知則不但用諸 郊 廟朝廷儀影莊雅而以此潛移默

大呂而又生黃鐘夫黃鐘宮也以宮商角徵羽變宮變徵之位言之則為七以其相生之數言之則為九此隔八之說所由來也如歲時之有八節遞嬗而歲時成矣今之五六工尺上四合字音之終也而即以生五生生不窮自為循環所謂貞下起元聲音之道與政通也著德保莊存與悉心講求檢閱於律呂正義一書取要節繁編為簡要一編會同軍機大臣酌定繕寫進呈刊發再律呂正義中原有御製補笙詩六首駢注丁尺宮商字據著一併入編頒發學官肄習以示作樂崇德協律同和之意○論前據何俗城奏請將丁憂知縣王垂紀留辦西安城工一摺已批所奏不可行並諭該撫卽飭該員回籍守制昨又據富綱奏請以丁憂雲州知州宋昌琮接辦甯臺廠務亦批不必令另選合例之員具奏矣奪情起復非所以敦孝敦倫古人惟於軍旅之事偶一行之若地方遇有不靜如撤拉爾逆回等事軍務緊要其承辦軍需之各州縣設遇丁憂該督撫自不妨奏請權令在任守制至城工銅廠非軍務可比又何必需一人始終總理而為此破例之舉設遇其人病故又將如何豈必待起死回生而後可不不至乏員辦事耶大抵督撫之為此案非徇情市恩卽係該員干求請託並非專為地方政務起見徒令此等在任守制之員坐擁廉俸戀職忘親轉藉王事為名不得稍盡人子之禮資為口實於官方政化俱有關繫著通飭各省督撫嗣後非遇軍務不得以丁憂人員奏請留任著為令○庚辰諭軍機大臣等據明興奏陸燿於山東臬司任內曾刻有甘覺錄一編頗為明切易曉見飭多為刊刻頒行各府州縣分發傳鈔使皆知種善之利多為栽種等語所辦甚好河南頰歲不登小民艱食前已諭令畢沅轉飭各府州縣做照懷慶府屬廣種薯蕷卽直省巡撫各府今年亦因雨澤愆期收成歉薄番薯既可充食兼能耐旱且東省各府既開有種植自不難於就近購採朕聞陸燿所著甘覺錄頗為詳晰著卽鈔錄寄交劉義舉沅令其照明興所辦多為刊布傳鈔使民間共知其利廣為栽種接濟民食亦屬備荒之一法將此傳諭知之○壬午免各省四十年以前積欠耗羨○甲申以湖北早命四川江西發倉穀平糶俾商販運楚以濟民食○乙酉命阿桂赴河南勸災兼赴江南山東查辦賑務○丙戌諭提時廷額奏湖北浙江江蘇二縣應修民隄先行借項興修仍於有隄業戶名下分別徵收云云

用過銀七萬八千五百餘兩經部駁減銀一萬九千六百餘兩請於承辦各員名下勒限催追俟繳齊時發商營運生息以備再有工程動支給發等語工程動項與條自有勘估原冊及工竣報銷部中覈減亦必有一定章程今湖北省借項興修隄工動用銀七萬八千五百餘兩此必因當仍徵於民之項地方官任意浮冒多估爲營私之地也設如部中覈減不過數千兩尚在情理之內乃竟駁減至一萬九千六百餘兩之多則是七分之二矣設遇數十萬兩之工程竟將駁減至十餘萬兩有是理乎此在部中非書吏婪索不遂藉端苛駁即係司員希圖漁利分肥與書吏串通一氣甚或該堂官等亦思染指有意苛求均未可定矣即使無此等情弊而駁減如此之多若該省皆實工實料該督撫等當據實直奏部駁之苛求朕亦自有辦理之法今竟受之是承辦工程各員必有浮冒侵蝕之弊不然何至有甘受駁減屈意認賠之理且向來工部遇有此等浮冒如海塘及韓莊歲修開壩等工皆係專摺奏明查辦有案此案以七萬餘兩工程竟至駁減七分之二何不奏明請旨飭查僅照例題本完結此事著交留京王大臣傳集工部堂司各官拘提書吏並調齊報銷冊籍駁減例案秉公查詢有無前項情弊據實具奏該督撫亦著明白回奏其特成額所奏覈減銀一萬九千餘兩追完發商營運以備工有工程動支之處著照所請行○辛卯諭軍機大臣等海祿等奏據保成等報稱燕趙伯爾克糾集薩木薩克呼達雅爾人等圖掠喀什噶爾等語燕趙等果欲圖掠喀什噶爾亦必先向那爾巴圖策勒勒勒勒勒勒勒勒勒勒無越此二處即至喀什噶爾之理自係那爾巴圖聞燕趙等欲掠伊游牧故意遞信思藉我兵威以資捍衛奎林等斷勿隨其計中若請援兵即行駁斥仍當鎮靜偵探相機辦理勿涉張皇將此諭令知之○癸巳上自避暑山莊巡幸木蘭行圍○己亥以浙江杭嘉湖三屬糧價昂昂命發倉穀平糶○癸卯諭山西巡撫農起自西江封疆以來辦理地方事務頗能真心整頓今聞該巡撫屬可憐所有任內降革處分准其開復其應得卹典著該部察例具奏尋予祭葬○以伊桑阿爲山西巡撫梁肯堂爲直隸布政使嗣當保爲直隸按察使以穆克登爲河南按察使

直隸道員

九月丁未期諭軍機大臣等據薩載等覆奏清口淤淺緣由一摺內稱從前黃河南岸之陳家道口漫溢大溜下注洪澤湖由清口而出湖中未嘗淤淤皆因經由支幹各河餘遠入湖之水已漸淤清今祥符五瑞二閘由引河至湖邊相距有四十里之遙所挾之沙亦不過停於引河南腮及湖西邊岸等語所奏殊屬自相矛盾從前陳家道口漫水下注洪澤湖既因經由支幹各河無遠是以漸次淤積湖中不至淤積今祥符五瑞二閘離洪湖不過四十里相距甚近所挾之沙焉能即行淤積不手淤墊湖底是引黃入湖未必能助清濬運而停沙淤滯恐轉足爲洪湖之害薩載李奉翰不過因此時別無善策爲此無聊之極思恐伊一人竟茫無主見以致洪湖重受淤墊所關匪細著傳諭阿桂前抵清口後務將伊等所奏情形悉心籌酌爲之主持定議方爲妥善至請口淤淺見據薩載等奏稱實因本年湖水極小是以未能出口抵禦黃流以至倒灌入運等語其受病根由是否實係如此及作何籌辦之處並著阿桂熟商妥議務期斟酌盡善一併據實具奏以慰廑注將此諭薩載知之○戊申諭軍機大臣等前據海祿奏准保成等札稱

伯爾起伯爾克等糾眾掠取喀什噶爾事屬子虛不可深信茲又奏請調伊犁烏魯木齊兵四千名分防喀什噶爾烏什葉爾羌三城等語前後自相矛盾起伯爾克等不過么麼窳匪果能糾眾掠取那爾巴圖游牧實有煩何喀什噶爾情形屆時再行調兵備禦尚不爲遲至烏什葉爾羌等城則更屬馬牛不相及何必亟亟請兵徒滋驚擾海疆身爲參贊大臣遇有此等事件惟當鎮靜料理豫爲防範如此畏葸失措適爲回眾所輕著傳諭海疆親往喀什噶爾會同保成等妥酌偵訪不得稍涉張皇並著奎林邊派委員於伊犁各卡帶兵密探一有伊等侵犯喀什噶爾之信即將將軍印務暫委那旺護理一面札令營務巴哈台參贊大臣惠齡速赴伊犁署理將軍事務一面具奏帶領弁兵迅赴該處相機安辦勿稍輕忽○己酉論軍機大臣等昨據海疆奏請於喀什噶爾等處調兵防守措置失當若不豫爲籌辦轉恐貽誤事機著傳諭福康安卽帶總督印篆速赴阿克蘇一帶安輯回眾並密爲偵探備差赴伯爾克等實有侵擾情形卽會同明亮福康安爲籌辦調撥該處及烏魯木齊甘肅等處兵迅速前進仍札會奎林令其統帥大臣上行走以觀後效明亮久歷行間著署理烏什參贊大臣卽赴阿克蘇與福康安悉心辦理慶桂前在塔爾巴哈台辦事頗爲歷練見在樞廷行走有年於朕調度軍務係所熟悉著帶欽差關防迅卽起程馳往甘肅暫署總督印務俟事竣後授爲烏什參贊大臣明亮仍回伊犁參贊大臣之任將此各諭令知之○甲寅 上駐蹕避暑山莊○乙卯論軍機大臣等阿桂奏清口淤墊情形一摺稱本年湖水極小不但黃強清弱至六月以後竟至清水涓滴無出黃水又值盛漲以致倒灌入運直達淮揚見在薩載等所開祥符五瑞二閘自引河至湖邊有四十里之遙或可不至淤湖且任其權時開放爲今之計惟有借已灌之黃水以送回空蓄積弱之清水以濟重運此時湖水不能復出竟應築壩煞住使湖水停蓄明春重運北上時卽可啓壩下注引河出抵清口以資利濟等語亦止可如此辦理本年春夏以來既因雨澤短缺湖水甚小六月後清水至涓滴無出薩載等卽應先事豫籌將清口兩壩酌量收束以爲蓄水地步何以並不籌及亦並不奏聞伊等之意不過以築作壩工未免需費連爾因循不辦不知彼時築壩所費尙屬有限今黃水倒灌淤沙梗塞始議築壩蓄水已屬遲誤漕運將來清空非易所費更屬不貲豈非因小而失大乎是薩載李奉幹於此一事實難辭咎著阿桂查明據實參奏見在清口既已淤墊自止可借已灌之黃水俾回空得資浮送俟回空船過完卽當築壩令黃水不復倒灌入湖庶湖水日漸停蓄以濟明年重運阿桂卽當相度機宜迅速妥辦俾明歲新漕無滯慮有裨益又據阿桂奏稱江北之淮徐等處麥收失望秋禾俱未補種已下正屆播種秋麥之時必須九月內得有透雨方可乘時翻種等語江北一帶既久經缺雨田禾未能播種地方官早應設壇虔禱以冀甘霖速沛何以薩載總未奏及看來伊等因湖河淤墊一錯百錯知識昏聩竟至諸事茫無所措阿桂必須爲之主持定見並傳諭薩載李奉幹當安心勤事倍加奮勉以期補過仍著該督等將何以並不收束兩壩及曾否飭屬虔祈雨澤之處據實回奏○戊午調何裕城爲江西巡撫承保爲陝西巡撫○庚申停止佐雜等官保薦